

عثمانی ربه اسارتندن قورتولنی جان و کولکدن آرزو ایدو و بو آرزولرینک  
 حصوله کلسی ایچون قاتولیک آوستریادن امداد مأمول ایدرلردی . عثمانلی  
 فتحندن سوکره اراضی زرعی ایچون بوسنه یه ادخال ایدیلن اورتودوقس صربلر  
 ایسه مذهب اعتباریله روم کلیسایه منسوب اولوب عثمانلیلری بو  
 طور اقلردن اخراج ایله اسکی صرب ایمپراطورلقی احیا ایتک امل یکنه .  
 لری ایدی .

شو مسروداتدن آکلاشیله جنی اوزره بیک ایکی یوز سنه اول کلوب بو  
 قطعه لرده یرلشمش اولان جنوب اسلاو قومی یکجنس ، یکدم ویکزبان برقوم  
 ایکن اوج دینه آیرلمش . ادیان ثلاثه مذکوره شو قومی اوج شعبه یه تفریق  
 ایتمش ، دها طوغریسی بونردن عادتاً اوج ملت تشکیل ایتمش . دین و مذهب  
 اونردن هر بریسنه باشقه باشقه حسیات ملیه ویرمشد . صوک زمانلره قدر  
 کرک قاتولیک ، کرک اورتودوقس و کرکسه مسلمان هر بری باشقه باشقه شیر  
 آرزو ایدیورلردی . هر بریسنک مقصدی ، غایه سی باشقه ایدی . خرواتلر  
 صربلنی یا انکار و یا استحقار ایدمک یالکز بویوک خرواتستان قراللیق  
 ظهور و تشکلی کورمک املنده ایدیلر . صربلرده خرواتلری تریف ایدمک  
 بویوک صربییه نک تشکیل و تاسیسنه جالیشیورلر ایدی . دین ساقیه سیله هم  
 صربدن ، هم خرواتدن باشقه بر تربیه آلمش اولان مسلمان ایسه بونلرک  
 مجادله سیاسیه لری قارشوسنده متردد و متحیر برحاله قاله رق نه برینه ، نه دیکرینه  
 زیاده رغبت ایدیوردی . چونکه نه بویوک خرواتستانده ، نه ده بویوک صربییه ده  
 کندی استقبالی امین کورمیوردی . هر ایکسنه قارشو بررودت حس ایدیوردی .  
 اونک ایچون آوستریانک انقراضیله تولد ایدن « جنوب اسلاو » تشکلی  
 مسلمانلر مسرتله آلقشلا دیلر . بودولت ایچنده هیچ بر دینک هیچ برنسک  
 تفوق و رجحانی اولماق شرطیله و بلا تفریق جنس و مذهب هر بر فردک  
 دیکرلرایله عینی حقوقه مالک اولسی تحت تأمین آلتیرسه مسلمانلر بوقرالقدن  
 باشقه هیچ برنی ایسته مزلر و بوتون قوتلریله ترقیسنه جالیشیورلر . عکس  
 تقدیرده کندی حقوق و منافعلری مدافعه ایتک ایچون فداکارلک صوک

درجه سنه قدر کیده جکری محققدو . چونکه یکرمنجی عصر مدیتیده  
 کیمسه نک کیمسه بی از مکه حق یوقدو . هرکسک آدم کی یشامنه حق واردو .

سرای بوسنه ده مکتب حکام الشرع  
 تورکجه ، فرانسرجه و فلسفه معلمی  
 صادوویچ ولی الدین

